

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

13 Avril 2018
(25 Rajab 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « Remerciements à Allah & Bane Conseils ».

Depuis quatre ou cinq ans, mo bane visites et missions dans bane différents pays du monde fine couronné de succès par la grâce d'Allah. Tant et si bien ki mo lécoeur rempli de gratitude et de louanges pour Allah. En plus de bane z'hommes de la Manifestation Divine, bane madames aussi pé joué ene grand rôle, kot zot sacrifié zot lé temps et servi zot connaissance ki Allah fine donne zot pour aide la cause d'Allah. De plus, avec l'accélération de *dawa/ tabligh* dans bane différents pays, particulièrement dans l'Inde et dans l'Afrique (incluant Comores et Mayotte aussi), beaucoup bane madames fine reconnaite la véracité de la Manifestation Divine et du Khalifatullah de sa siècle là et fine intégrer le Jamaat, sans tenir compte de bane mauvais l'opinions et colère de zot bane maris, parents et communautés ki zot ti été avant, et zot fine fer sa seulement pour l'amour de la vérité ki vine de côté d'Allah. Ene *duah* spontané sorti de mo lécoeur pour bane madames ki fine intégrer le Jamaat Ul Sahih Al Islam, ki fine exprime ene soumission complète à Allah et à So messenger et ki fine ensuite reste fidèles à zot serments (*Bai'at*) avec tout zot conscience et en toute fidélité.

Alhamdulillah, mo recevoir tous les jours boucou emails de bane différents pays et boucou bane madames zot bien émotionné et très réceptif au message et réconfortant ki mo pas capave empêche moi pou remercier Allah (swt) beaucoup pour tous sa bane faveurs et signes ki Li fine manifester en mo support et boucou bane *duahs* sorti pour sa bane dimounes là, bane ki repentants et ki envie change zot la vie pour le meilleur. Sa bane madames là zot tellement plonger dans bane faveurs et manifestation divines (zot plonger dans delo divine) ki zot recevoir de la part d'Allah So bane faveurs et Allah manifester So bane miracles (bane miracles et pouvoir de *duahs* adressé à Allah) et zot toujours prêt pour aide la cause d'Allah dans tous bane façons possibles. Ena ki faire bane traductions, ena faire *dawa/ tabligh*, zot transmette bane bons l'enseignements de l'Islam à zot bane zenfants et zot soutenir zot bane missiés et zot parents pour soutenir la cause d'Allah. Bane parmi zot ki pas ena le soutien de zot famille zot ena tellement confiance dans Allah ki Allah manifester Li-même dans ene façon extraordinaire, ki Li donne zot le courage et la patience pour aide la cause d'Allah, pour aide Jamaat Ul Sahih Al Islam pour progresser davantage. La vérité c'est ki bane madames du Jamaat Ul Sahih Al Islam zot pé ajoute ene nouveau chapitre, ki écrire en lettres d'or, dans l'histoire de l'humanité et dans celui du Jamaat Ul Sahih Al Islam. Zot couma ene la brise fraîs et doux ki repousse et envahir ene létemps chaud, kot zot apporte l'espoir pour bane dimounes et kot Allah et So messenger même apprécier et satisfait are zot.

Ena bane périodes dans l'histoire d'ene nation ki passe souvent inaperçues, mais ki plus tard zot enregistré et conservé couma bane trésors précieux dans bane archives nationales.

Bane communautés religieuses, kan zot ajoute bane nouveaux chapitres à zot l'histoire ou zot renouveler bane anciens liens, zot totalement immunisés contre bane appréciations ou bane intimidations ki vine de bane l'organismes extérieurs. Zot pas prend compte ki lémonde capave penser de zot dans le passé ou ki pou zot réactions dans l'avenir. Sak vérité li relative, c'est-à-dire, li pas absolu parski sak dimoune prend li d'après so propre perspective.

Par conséquent, bane appréciations ou bane fabrications de bane futurs historiens pou passe couma delo lor brède songe pou bane ki immuniser contre sa. Sa pas pou fer zot ni chaud ni froid. Sa bane dimounes là zot cherche seulement l'amour et la miséricorde du Plus Miséricordieux, de l'Être le Plus Miséricordieux (c.-à-d., Allah). Allah Li zot Seigneur et Maître et avec Li repose la décision finale.

Nous dans l'obligation pou incliner devant Li avec ene humilité objective et pou cherche So guidance afin ki tous nous bane actions conformer à So volonté. Pas ena le moindre doute ki le monde avec tous so bane zaffaires mondaines et so bane complexités juridiques pou continuer avancer régulièrement lors so l'axe éternel. Au fil du temps et en accord avec nous destinée communautaire, ene majorité de bane dimounes lors sa la terre là pou commence faire nous bane louanges, en souvenir de la grandeur d'Allah. *Insha-Allah*. Sa pou le moment kot nous bizin reste lors nous garde et pas fer sa bane louanges là monte dans nous la tête, c'est-à-dire, fauder pas nous gonfler (d'orgueil) avec sa et vine arrogant. Au contraire, nous bizin toujours efforce nous pou cherche le plaisir et l'approbation d'Allah. Même ene pli petit geste d'amour et d'affection de la part d'Allah pou capave résoude tous nous bane problèmes physiques et redresse tout et mette tout correcte de saki pé attane nous dans *Aakhérat* (l'au-delà).

Li impératif ki bane madames du Jamaat Ul Sahih Al Islam fixer pour zot-même ene l'objectif. Zot pas bizin prend compte saki bane dimounes penser de zot. Faudé pas ki réactions négatifs de zot bane missiés, frères et sœurs affecter zot. Faudé pas aussi ki zot prend tracas si pas nous bane propres organisations pou apprécier zot et zot bane travaux ou non. Saki important, c'est céki zot bizin être soutenu par ene conviction ki tous zot bane actions bizin motivé par ene désir sincère pou gagne le plaisir d'Allah. Pou bane ki trouver grâce à lizié d'Allah, sa bane là zamais pou perdants. Ki Allah permette nous pou inculquer dans nous lécoeur, ene l'amour et l'affection ki pli profond pour Li et ki Li (Allah) donne nous la force cherche So plaisir avec ene plus grand humilité. *Ameen*.

Mo envie attire zot l'attention lors bane questions importants ki concerne principalement tous les deux sections de nous communauté (*Jamaat*), bane missiés et bane madames. Pour commencer, mo fer ene appel à bane madames pou élaborer ene philosophie commune pour tire le meilleur parti possible de la situation actuelle. La vérité c'est ki la vertu principale li pas en soi ene destination. C'est plutôt ene point de départ vers la fin du voyage. La vertu zamais pas reste en place. Li fonctionner couma ene cycle dynamique et pas pou capave maintenir sa posture là sauf par ene mouvement constant. Ene fois ki so rotation spirituelle arrêté, li arrête être défini couma ene vertu. Li donc essentiel ki la vertu originel continuer façonner et multiplié en bane innombrables vertus et excellences nouvelles. C'est devoir de nous bane organisations religieuses/ sociales pou créer bane nouvo avenues de progrès spirituel pour bane d'entre nous ki montrer le

moindre changement de cœur pour répare zot bane erreurs. Sa bane dimounes là bizin recevoir bane directives ki bizin, ki correcte pou résoude zot bane problèmes.

Tous bane jeunes filles et bane les autres madames ki porte le voile (*Hijab* ou *Niqab*), sans ki zot craindre kit critique de la part de bane les autres dimounes, c'est sa bane là ki zot moralité pou préserver, parski c'est zot ki mette en valeur bane l'enseignements de l'Islam. Faudé PAS force zot pou porte le voile, mais sa bizin être ene décision personnel en prenant en compte zot l'amour et zot soumission à Allah. Kan mo pé dire sa, mo pas pé rode dire ki bane madames de la Manifestation Divine bizin laisse zot la tête découvert ou sois laisse zot formes lécorps paraite. Non! Zot bizin couvert zot la tête, zot cheveux et zot lécorps correctement; zot bizin mette bane linges décents. Saki mo pé causer azordi, c'est *Pardah* pour bane madames ki consister à mette tout au long de zot la vie bane *Abaya/ Jilbab* (longue robe ki recouvert zot linges et lécorps) et le voile (c'est-à-dire, *Hijab* (recouvrant la tête et la poitrine) seulement. Bane ki être forcer pou mette *Burqa et Niqab* (voile complet pou cachiette zot figure) pou trouve sa couma ene prison, tandis ki bane ki comprend bane commandements d'Allah et applique zot librement, sans aucaine contrainte et avec ene la foi profond en Allah, zot pou vine ene l'exemple de la vertu et de la bonne conduite (si par zot propre choix zot mette *Burqa et Niqab* (*Pardah* kot zot recouvert ene parti zot visage aussi). Saki Allah exiger de bane madames, c'est ki zot être décents et zot couvert zot correctement. Quant à bane ki prend ene soin particulier pou accomplir sa commandement d'Allah, c'est sa bane là ki pou tire le plus grand profit, ki li dans sa la vie là, et dans *Aakhérat* (l'au-delà).

C'est bane là ki faire ene pas décisif pou identifier zot à la volonté et au plan d'Allah. Si, à sa moment critique là, bane madames de nous Jamaat montrer à bane les autres madames le chemin pour faire bane nouvo sacrifices; et zot prend bane dispositions adéquat pour zot bien-être social et insuffler en zot ene l'esprit de coopération mutuelle dans bane actions fraternelles, alors sa acte unique de bonté là pou vine ene source de bénéfiques multiples pour zot. Avec le temps, sa bane bienfaits spirituels là pou multipliés au-delà de tous bane mesure, que ce soit dans sa lé monde ou dans *Aakhérat* (l'au-delà).

Mo arrête ici pour le moment. Ki Allah donne moi *Insha-Allah*, le *Tawfiq* pour contigner mon Khutba lors le même sujet vendredi prochain. Ki Allah béni zot avec la connaissance et faculté pou comprend sa Khutba là et bane conseils ki mo fine donne zot là-dans pour zot propre bien-être. *Insha-Allah, Ameen*.